



Republika e Kosovës
Republika Kosova
Republic of Kosovo



Komuna e Kaçanikut
Opština Kacanik
Municipal of Kacanik

01Nr.060/01-23705/24
Kaçanik, 30.09.2024

PROCESVERBAL

Nga mbledhja e **IX (nëntë)** e rregullt e Kuvendit të Komunës Kaçanik për vitin 2024 (Legjislatura e shtatë), mbajtur me 30.09 2024. Mbledhja u mbajt në katin e tretë të objektit të komunës, në sallën e kuvendit, në ora 11:00.

Nga përbërja e përgjithshme e Kuvendit të Komunës prej 27 anëtarëve, pjesëmarrës në mbledhje fillimisht ishin 25 anëtarë, në ndërkohe arriti anëtar, Betim Shala, ndërsa gjatë pikës së dytë, Agim Çaka.

Nga Ekzekutivit i Komunës, në mbledhje morën pjesë: Kryetari i Komunës-Besim Ilazi, Nënkyetari i Komunës-Sabedin Vishi, Drejtori et drejtorive: Ramadush Osmani-DSHPE, Qamil Stagova- DUKMM, Zahir Doda-DA, Suhad Dullovi- DBPZHR, Pranvera Loku-Zharku-DZHET, Sali Malsiu-DSHMS, Hafize Sallahi-DKRS, ndërkaq nga zyrtarët në kuadër të detyrave të punës: Makfire Malsiu, Fatlume Guri-Selimi, Mavije Murseli.

Nga strukturat vendore mbledhja monitorohet përmes Teleprezencës nga Vjosa Ahmetaj-zyrtare në MAPL. Mbledhja ka transmetim të drejtpërdrejtë.

Mbledhjen e kryesoj, Kemal Murseli- Kryesues i Kuvendit
 Procesmbajtës, Makfire Malsiu - Zyrtare e lartë për punë të KK.

Kryesues i Kuvendit, Kemal Murseli: Të nderuar pjesëmarrës, së pari iu përshëndes të gjithëve, iu dëshiroj mirëseardhje, konstatoj kuorumin, 2 anëtarë për momentin nuk janë, Betim Shala dhe Agim Çaka. Agim Çaka me ka njoftuar se vonohet pak. E hapi mbledhjen e IX (nëntë) të rregullt të Kuvendit të Komunës, data 30.09.2024, me këtë:

REND PUNE

1. Aprovimi i Procesverbalit nga mbledhja e kaluar e Kuvendit të Komunës;
2. Propozim Vendimi për Buxhetin e Komunës së Kaçanikut, për vitin fiskal 2025 dhe vlerësimet për vitet 2026-2027;
3. Propozim Vendim për ndryshim plotësimin e vendimit 01 nr. 60/01-38152/21 për formimin e Komitetit për Politikë dhe Financa dhe vendimit 01 nr. 60/01-14084/24 për ndryshim plotësimin e vendimit për formimin e këtij komiteti;
4. Propozim Vendimi për miratimin e Raportit përfundimtar 01Nr. 320/01-2238/24 të datës 10.09.2024 të komisionit komunal për vlerësimin e dëmeve të shkaktuara nga reshjet breshëri në territorin e komunës së Kaçanikut, në fshatin Duraj - Gabricë;
5. Plani i Veprimit në Mjedis, me veprim klimatik;
6. Draft-Plani Komunal për transport lokal publik të udhëtarëve, 2024-2028;
7. Raport i punës i Këshillit Komunal për Siguri në Bashkësi për gjashtëmuajorin e parë 2024;
8. Informatë për fillimin e vitit të ri shkollor, 2024-2025 në komunën e Kaçaniku;
9. Propozim Vendimi për ndryshim plotësimin e vendimit 01Nr. 400/01-6738/24 të datës 29.03.2024 për shpallje me interes të përgjithshëm publik të Parcelave në Zonën Kadastrale Kaçanik dhe Gajre;

10. Kërkesa për Dorëheqje e anëtarit të KK, Rrustem Zenuni, nga Komisioni komunal i aksionarëve NPK” stacioni i Autobusëve” Sh. A. Kaçanik;
11. Kërkesa për Dorëheqje e anëtarit të KK, Rrustem Zenuni, nga Komisioni për shqyrtimin e kërkesave dhe ankesave në procesin e emërtimit, riemërimit të rrugëve dhe numërimit të adresave për territorin e komunës së Kaçanikut.
12. Propozim Vendim Për Rialokimin e Mjeteve Buxhetore deri në 5% sipas Buxhetit të vitit 2024.

Lidhur me rendin e punës, e hapi diskutimin: Për diskutim nuk u paraqit kush, atëherë e shtroj në votim dhe i njëjtë u aprovua njëzëri. Në saje të kësaj del konstatimi së Kuvendi i Komunës

Aprovoj

Rendin e punës prej 12 pikave.

1. Aprovimi i Procesverbalit nga mbledhja e kaluar e Kuvendit të Komunës;

znj. Kadrije Lika-Troni: Shprehi shqetësimet për problemet në transmetimin e drejtpërdrejtë të seancës së KK, për mungesën e fokusimit të folësit gjatë fjalimit në seancë. Ky problem ka ndikuar drejtpërdrejtë në mendësinë e qytetarëve, për të kuptuar dhe ndjekur diskutimet në KK. Kjo duhet të rregullohet, ashtu që nga kjo seancë me ngritur transparencën dhe llogaridhënie para qytetarëve.

Kryesuesi i Kuvendit: Kërkoj falje nëse incizimi ka qenë ashtu, meqë këto janë në mënyrë automatiqe, kamera vet fokusohet të folësi. Janë çështje teknike që mund të rregullohen.

z. Agim Mani: Në fjalimin tim citohet qartë thënia ime, që ka kërkuar falje drejtori i DBF Bahri Selimi dhe unë e kam pranuar faljen. Ndërkaq në procesverbal nuk shkruan se cila është arsyja që drejtori ka kërkuar falje? Nuk është shënuar thënia e drejtorit të DBF, që i ka thënë anëtarit të KK “Mbylle gojën”. Nëse bëhet ky plotësim, atëherë do të votoj “Për” miratimin e procesverbalit.

Kryesuesi i Kuvendit: Në rregull, ky plotësim bëhet kjo, së është evidente e dukshme.

znj. Ernesta Krasniqi: Në procesverbal, debatin që e kam pasur me kryesuesin e KK, është shënuar vetëm pjesa ime, por jo edhe e kryesuesit. A jeni i kënaqur ju kryesues me procesverbalin, që me ndryshuar dhe plotësuar apo nuk e keni lexuar, se nuk e di çfarë kuptimi ka me qenë vetëm pjesa e diskutimit tim, se nuk dihet për çka kam folur.

Kryesuesi i Kuvendit: Në procesverbal nuk mund të shkruhet çdo gjë që diskutohet në KK. Sekretaria i merr çështjet thelbësore që duhet të shkruhen. Çështja se a janë shënuar fjalët e mia, këtë mund ta kërkoj unë. Vërejtje tjera nuk ka, atëherë me këto vërejtje e shtroj në votim procesverbalin e mbledhjes se kaluar të KK dhe i njëjtë u aprovua me njëzëri. Prezentë 26. Në saje të kësaj del konstatimi së kuvendi i Komunës me vërejtje e,

Aprovoj

**Procesverbalin e mbledhjes së VIII (tetë) të Kuvendit të Komunës, të datës 05.09.2024/
Lënda: 01Nr. 60/01-20699/24.**

Pyetje dhe Kërkesa

znj. Arditia Rrahmani: Kam disa shqetësime, njëri prej tyre i përsëritur.

1. Me datën 28.09.2023 ka qenë e propozuar pika për rialokimin e mjeteve për parkingun e komunës. Kërkesa ka qenë e drejtorit me u hequr pika nga rendi i ditës, për arsyet që i keni pasur. Sot pas një viti, a ka kush që jep përgjigje për katrahurën që po shohim para objektit të komunës.

2. Në një mbledhje të KK, në muajin maj apo qershor, kam kërkuar që të vendosën policët e shtrirë në rrugë, në qytet dhe në vendbanime tjera të komunës. Këtë kërkesë po e përsërisë edhe

tani, pasi që shqetësimi vjen nga qytetarët e komunës. Nëse është vështirë me u identifikuar lokalitetet se ku duhet të vendosën pengesat në rrugë, ndoshta kishte qenë mirë me pasur një debat publik me qytetarët e komunës, me qenë prezentë edhe nga policia. Përgjigjen e kam marrë prej drejtorit, por rezultat nuk ka në praktikë. Shpejtësia e automjeteve po zhvillohet e madhe dhe paraqet rrezik për jetë. Kostoja nuk është e madhe, por ka kosto shpëtimi i jetës së njeriut.

z. Naim Beça: Kam një kërkesë dhe një shtjellim:

1. Kohëve të fundit është vërejtur një prani e madhe e qeneve endacak në qytetin e Kaçanikut. Kërkoj të merren masa, pasi disa drita në Kaçanik janë prishur, dhe prania e qeneve endacak paraqet rrezik për fëmijë. Të merren veprime të nevojshme sa nuk ka ndodhur ndonjë fatkeqësi.

2. Shtjellimi i një situate në komunën tonë: Me 7 shtator 2024, me 7 shtator para 34 viteve Kosova është shpallë Republikë me Kushtetutën e saj të aprovuar, që i ka paraprirë Deklarata kushtetuese e 2 korrikut 1990, duke pasur me referendumin për Kosovën shtet sovran dhe i pavarur, ku kanë marrë pjesë 98% e popullatës dhe janë shprehur për referendumin. Në vitin e kaluar 2023, në mbledhjen e tectorit keni thënë se, kemi gabuar që nuk i kemi pritur delegatët e Kuvendit të Kosovës, në Kaçanik. Delegatët e KK unë i kam pa me 7 shtator 2024 duke u sjellë në Kaçanik. Me thënë të drejtën, me ka ardhur marre që jam anëtar i KK. Pas nja 20 viteve kemi me harruar edhe UÇK-në. A jemi ne ata fëmijë të atyre baballarëve që kanë bërë vepra patriotike, që e kanë shpallë Kosovën shtet të pavarur dhe sovran, ku në atë kohë asnjë komunë e Kosovës nuk e ka marrë atë barrë, kushtetuta e Kosovës është shpallë në Kaçanik. Çdo vit e harrojmë 7 shtatorin. Ata ish delegatë duhet t'i nderojmë se paku me një koktell sa janë gjallë, me një mirëseardhje në komunë. E takova një prej tyre, ankesat e tyre ishin të arsyeshme, por nuk i tregova se jam anëtar i KK. Kërkoj që vitin vijues të hynë në procedurë të komunës së Kaçanikut, të formohet një komision dhe të kujtojmë 7 shtatorin, shpalljen e Kushtetutës së Kaçanikut të vitit 1990 nga delegatët e asaj kohe. Kjo është moto e jonë, vetëm një datë e kemi në Kaçanik, ajo është në librat e historisë, që e shkruajnë edhe amerikanët, ndërkaq në vet këtu si Kaçanik jemi duke i humbur vlerat tona. Nëse kështu vazhdon, pas një kohe mund të humbet edhe beteja e Ivajës dhe betejat tjera që ekzistojnë, për të cilat ka shumë sakrifica.

znj. Arta Avdiu: Kam 2 pyetje për DSHPE, z. Ramadush Osmani: 1. I bashkëngjitëm shqetësimeve të kolegut për çështjen e qeneve endacak, se me preku jo vetëm mua si nënë por edhe çdo qytetarë në rrethin tonë. Shtimi i qeneve endacak, çdo ditë e me tepër në çdo cep të çdo lagjeje, edhe këtë vit po ngel një problem madhor i qytetarëve e sidomos të fëmijëve, duke cenuar direkt jetën e tyre. Çfarë masa do të merrni, marrë parasysh faktin se tani fillon stina e dimrit, me çka rreziku nga qentë endacak do të jetë edhe me i madh?

2.Në mbledhjen e fundit të Komitetit për Komunitete, si temë u diskutua çështja e sigurisë në vendin tonë. Një shqetësim që u ngrit nga ne - anëtarët të këtij komiteti, por edhe nga komandanti i stacioni i policisë, ishte: Mosfunkcionimi i kamerave të sigurisë në qytet. Për shkak të keq menaxhimit komunal këto kamera nuk janë në funksion, me çka funksionimi i tyre do të lehtësonë punën e sigurisë të vendit tonë. Pse nuk janë në funksion kamerat e sigurisë në qytet, që një vit?

Kryesuesi i Kuvendit: Nëse e ka ngritur komandanti këtë pyetje, po me vjen shumë interesant, se komandanti i menaxhon kamerat e sigurisë, se ne nuk e dimë se cilat kamera janë prishur.

znj. Arta Avdiu: Pikërisht komandanti ishte ai që kur e pyetëm ne se çfarë mundemi me ngritur ne si shqetësim në KK, ai fajin e hedhin tek ju. Është incizimi i mbledhjes.

Kryesuesi i Kuvendit: Nuk po dyshoj se e ka ngritur si temë, por e ka ngritur gabimisht.

Kryetari i komunës –Besim Ilazi: Komendantin e policisë është dashur me pyetur: Aset i kujt janë kamerat e sigurisë.

z. Ekrem Livoreka: Ne e kemi bërë këtë pyetje dhe i kemi thënë se ju po ia hedhin fajin komunës, komuna juve. Komandanti i policisë theksoj se, menaxhimin e kemi ne, ndërkaq blerjen dhe vendosjen e kamerave të sigurisë e ka komuna. Përgjigjen që ma ka dhënë drejtori, e ka specifikuar se kush menaxhon me kamerat e sigurisë.

znj. Arta Avdiu: Komandanti i policisë theksoj se, komuna gjatë punimeve që i ka bërë në rrugë, i ka prishë kamerat e sigurisë.

Kryesuesi i Kuvendit: Nuk është ashtu, po nejse nuk mundemi tani me e trilluar këtë temë.

z. Agim Mani: Pyetjet të cilat parashtrohen, duhet me u marrë seriozisht me u përgjigjur. Pavarësisht konfuzionit që e keni ju si ekzekutiv- kryetarit të KKSBB, komandantit të policisë që nuk keni d'akordime në mes veti, kjo u shtrua si pyetje që tani kryetari i komunës në bashkëpunim me komandantin e policisë të d'akordohen për çështjen e menaxhimit të kamerave dhe mirëmbajtjen e tyre. Çështja e kamerave të sigurisë ka kohë që është problem, ka pasur rekomandime në KKSBB, por asnjëherë nuk janë zbatuar. Pyetjet të cilat i ngritëm ne janë të qytetarëve, përgjigjet, llogaridhënia është e ekzekutivit, por nuk po jepni llogari as para neve si anëtarë të KK e as para qytetarëve. Kjo është shqetësuese. Pyetjet të cilat i kemi ngritur në mbledhjen e kaluar, nuk kemi marrë përgjigje. Atëherë, cili është kuptimi me ngritur pyetje? Meqë nuk po jepni përgjigje me shkrim, atëherë unë tani kérkoj një pyetje direkt nga kryetari i komunës: Si e keni trajtuar objektin e banimit social, i cili sipas juve është i përfshirë në krimë ekonomike? A ka ndonjë konfirmim zyrtar nga Prokuroria speciale për këtë objekt? Si e aplikoni shpalljen e aplikimeve për qytetarë që të strehohen në këtë objekt, marrë parasysh situatën aktuale? Këto përgjigje dua t' me epën direkt, pasi ju keni informata, se nëse nuk keni informata, besoj se keni bërë shumë gabim që keni hapur aplikime për qytetarë.

Kryesuesi i Kuvendit: Për përgjigjet në pyetje, është një rregull, të cilën jemi të obliguar me zbatuar të gjithë. Ndonjëherë mund të mos ketë përgjigje për ndonjë pyetje, natyra e përgjigjës është me shkrim. Ndërkaq, pajtohem nëse ngitni çështjen për pyetje të cilat nuk iu kanë kthyer përgjigje, se keni të drejtë në atë drejtim.

z. Bashkim Luma: Kam një kërkësë nga banorët e f. Glloboçicë, Lagija e Re, kanë kërkuar që kjo rrugë të regjistrohet si rrugë zyrtare, por fatkeqësisht nuk është marrë parasysh ende. Tabela që është në mbishkrimin në f. Glloboçicë, duhet të korrigohet dhe të ndryshohet vendndodhja, se f. Glloboçicë fillon nga me lartë, e jo nga aty ku është vendosur shenja.

znj. Kadrije Lika-Troni: 1. Po ndërlidhem me shqetësimin e Agimit për çështjen e përgjigjeve në pyetje dhe kërkesa, se dy pyetje që i ngrita në mbledhjen e fundit, për njëren me ka ardhur përgjiga nga DA, ndërsa tjetra ishte për kryetarin. Nuk e di kryetar: A ta ka përcjellë nënkyetari pyetjen se ju nuk ishit prezantë në atë mbledhje, se përgjigje në pyetje nuk kam marrë? Kjo ndikon shumë keq të ne anëtarët e KK, se shqetësimet e qytetarëve ne i drejtojmë direkt juve. Ju jeni ai që duhet me u përgjigjur në pyetjet tona që i adresojmë.

Kryetari i Komunës-Besim Ilazi: Me është dukur e pa arsyeshme pyetja, nuk kam ditur si me u përgjigjur.

znj. Kadrije Lika-Troni: Nëse pyetja ime të është dukur e paarsyeshme, është dashur me cekur. A mundeni me kthyer përgjigjen me shkrim, me thënë se kërkesa e juaj me është dukur e paarsyeshme me u përgjigjur? Unë kërkusat i kam nga qytetarët.

Kryetari i Komunës-Besim Ilazi: Me është dukur e paarsyeshme, se një praktikë që udhëhiqet që 20 vjet, ju doni me ndryshuar. Thjeshtë, do të kthej me shkrim përgjigjen.

znj. Kadrije Lika-Troni: 2. Kërkesa e dytë është për DSHPE: Mungesa e pengesave në rrugë për me penguar shpejtësinë e automjeteve, ashtu siç e ceku edhe parafolësja ime, sidomos në rrugën "Qamil Ilazi", ku trotuari është pa asnjë kriter standardi, ku nxënësit e kanë të vështirë kalimin dhe janë të rrezikuar nga shpejtësia e automjeteve. Gjithashtu edhe vazhdimi i rrugës "Sali Bajra" aty të shkolla fillore, trotuari është i mbuluar nën stop me vetura, sidomos në kohën kur nxënësit frekuentojnë për në shkollë. Kërkoj nga drejtori të vendosë pengesa, që me parandaluar krijimin e ndonjë rreziku për nxënësit e shkollës.

znj. Ardita Rrahmani: Meqë jemi gati në përfundim të mandatit, e ngriti si shqetësim apo propozim, se po ka kërkesa ripërsëritura, të ngritura nga unë apo nga kolegët e mi, të cilat pika janë ngritur me herët dhe të njëjtat ri adresohen përsëri. E kuptoj se jemi në vit zgjedhor, por për mua personalisht, kjo është thyerje e inteligjencës. Nëse ri përsëritet e njëjta kërkesë, ndërkaq në anën tjetër edhe ekzekutivi nuk ka asgjë konkrete dhe na detyron në njëfarë mënyre me u ripërsëritur kërkesat, por me marrë atributet e dikujt tjetër, të cilat nuk i takojnë, për mua kjo është thyerje e inteligjencës.

z. Selajdin Troni: Kam një kërkesë nga lagija koraqi e f. Kovaqec, rruga "Raif Koraqi": Të bëhet rehabilitimi dhe shtrimi i rrugës si dhe rregullimi i kanalit për largimin e ujit nga rruga, sepse si rezultat i ujit, po prishet rruga. Gjithashtu të shqyrtohen mundësitat buxhetore për ndriçimin publik të kësaj rruge.

z. Agim Mani: Kërkoj falje që e mora fjalën dy herë të e njëjta pyetje, por desha të elaboroj një sqarim të kryetarit, të cilën fillimisht unë e theksova se, ne po bëjmë pyetje, ndërkaq nuk po marrim përgjigje. Kryetari e pranoj se për kërkesat që nuk janë të arsyeshme, përgjigjet nuk epen. Të gjitha përgjigjet që nuk janë dhënë deri me taninë pyetjet e ngritura, për kryetarin po dalin se kanë qenë të parëndësishme.

znj. Ernesta Krasniqi: Sot jam këtu për të ndarë një situatë të paprecedentë dhe të papranueshme që me preku jo vetëm mua personalisht, por çdo qytetarë të këtij vendi që beson në drejtësi, transparencë dhe liri të shprehjes. Në mbledhjen e fundit të këtij KK, unë ngrita shqetësim tim lidhur me subvencionet komunale. Mirëpo, ajo që ndodhi pas këtij veprimi, është e tmerrshme dhe e papranueshme në një shoqëri demokratike. Me 7 shtator mora një telefonatë dhe një mesazh kërcënues nga drejtoresha e kulturës e komunës tonë. Fillimisht mendova se është për ndonjë kontakt për ndonjë aktivitet kulturor që lidhet me përvjetorin e komunës së Kaçanikut, por në vend të kësaj e nderuara drejtoreshë, ajo nxori këtë ditë për t' me kërcënuar personalisht. Jo vetëm mua që me kërcënoj, por me tha se do të vijë në shtëpinë time me burrin e saj dhe do të kërkonte llogari nga prindërit e mi. Imagjinoni për një moment të vjen një kërcënim nga një grua për një vajzë. Sa shqetësuese është kur pranojmë kërcënimë nga gratë, pikërisht nga një zyrtare e lartë e komunës, përgjegjëse për kulturën dhe përfaqësuese e qytetarëve, përdorë fuqinë e saj për t' me kërcënuar, një qytetare e cila kërkon vetëm drejtësi dhe transparencë. Çfarë mesazhi po i dërgojmë shoqërisë? Çfarë mesazhi po iu dërgojmë brezave të ri? Kjo është një përpjekje e qartë për t' me frikësuar dhe për t' me heshtur dhe për t' me ndaluar që të vazhdoj të kërkoj llogaridhënie. Këtë ta dini të gjithë: Unë nuk do të heshtë sot dhe asnjëherë tjetër. Drejtoresha nuk e di a është këtu, kërcënimet të unë nuk iu shitën, unë nuk do të ndaloj asnjëherë me u shprehur.

Kryesuesi i Kuvendit: Drejtoresha është këtu prezantë në mbledhje. Për çështjen e mesazhevë kërcënuese, janë organet që merren me këtë punë. Mirë që e ngrite si shqetësim në KK, nuk është mirë me pasur raste të tillë, por çështja është se për kërcënimë të tillë janë organet tjera që merren me këtë punë. Mua me vjen keq, por ne nuk kemi kurrfarë kompetence me u marrë me këtë punë, janë organet tjera që janë të thirrur me u marrë me këto çështje. Urdhëro Kadrije, por shumë herë e keni marrë fjalën:

z. Kadrije Lika-Troni: Kryesues me fal, por kjo me ka shqetësuar mua si grua dhe si kolege, kur kërcënimi vjen nga një drejtoreshë e ekzekutivit. Me intereson të di: Çfarë masash do të merr kryetari i komunës? A keni qenë i informuar apo jo për këtë çështje si kryetar -menaxher i drejtoreve? Të lutem merri masat e nevojshme të cilat ekzistojnë. Nuk lejohet fjala e lirë me u kërcënuar.

Kryesuesi i Kuvendit: E qartë këtë që po e thoni, por përderisa nuk kemi të konfirmuar prej një organi, kjo është detyrim i secilit. Ka organe të cilat e konfirmojnë dhe e detyrojnë qytetarin.

z. Ernesta Krasniqi: E shpërndau letër mesazhin e Hafize Sallahi kryetarit dhe disa anëtarëve të KK, ndërkaq e parashtroj pyetje kryetarit: A jeni të kënaqur me drejtoret e juaj?

Kryetari i Komunës-Besim Ilazi: Unë nuk jam gjyqtarë këtu.

Kryesuesi i Kuvendit: Drejtoresha është këtu, mundet me marrë fjalën.

Kryetari i Komunës-Besim Ilazi: Nuk po e shoh se është kërcenim. Lë të merr fjalën drejtoresha.

z. Selajdin Troni: Jemi në pozicionin e Pyetjeve dhe Kërkesave. Çdo anëtarë i KK që ka pyetje dhe kërkesa mundet me marrë fjalën njëherë dhe me i ngritur të gjitha kërkesat sa i ka, pavarësisht numrit të tyre. Unë nëse e marrë fjalën, i kam fjala vjen 10 kërkesa, i ngriti të gjitha përnjëherë, e jo me marrë fjalën disa herë, se po zgjatet debati.

Kryesuesi i Kuvendit: Selajdin, pavarësisht se jemi të pyetjet dhe kërkesat, është një shqetësim që i ka ndodhur anëtares së KK.

z. Ernesta Krasniqi: Është hera e parë që e mora fjalën.

z. Hafize Sallahi: Unë nuk kam qenë prezentë në mbledhjen e kaluar të KK. Nëse ju (është fjalë për Ernesta) e ndien vetën që jeni ofenduar prej një mesazhi, a nuk ishte ofendim ajo që ti e bëre që përmende emrin e të gjitha atyre grave biznismene që i përmende ti në mbledhjen e fundit të KK? A nuk ishin plot e përplot shoqata dhe shteti i Kosovës është ai i cili shpenzoi aq shumë për ti motivuar gratë shqiptare dhe kosovare për t'u marrë me biznes, ti e pe të arsyeshme për me manipular me emra privat. Me emrin tim manipulo kur të duash, se është proces politik, por me emrin e një vajze të arsimuar e cila ka hapur një biznes dhe për 2 vite ka arritur me punësuar njerëz dhe ti ia keqpërdorë emrin këtu, pastaj emrin e tjetrës biznismene që ka shtrirë biznesin e vet edhe në rajonin e Maqedonisë dhe i ka mbi 20 gra të punësuara në Kaçanik dhe ti e pe të arsyeshme në KK të degradosh me emrin e atyre vajzave. A nuk munde me i përmendor bizneset, por përmende emra, mbi të gjitha publikove edhe në faqen "S'je Kaçanikli" me shkronja të mëdha emrat e atyre biznesmeneve, që do të jetë e turpshme, në vend që t'i motivosh dhe të thuash shyqyr që paska femra biznismene në Kaçanik, ti del dhe degradon emrat e fëmijëve tanë, grave të dikujt, vajzës së dikujt, dhe ajo nuk ishte asgjë sipas teje. A nuk munde të adresosh kritika direkt ndaj meje nëse mendojsh me vajza ime apo gruaja e drejtorit të arsimit apo kunata e sekretareshës së kryetarit që kanë marrë pa të drejtë një subvencion, atëherë do të ishte shumë e mirëpritur dhe përballe atyre bravo, do të mërshe edhe shumë bravo tjera, po ti asnë qasje në dokumente zyrtare nuk e kërkove, nuk e dite se a e kanë marrë ata subvencionin paligjshëm, përmende emra, vajza ime është 19 vjeçare dhe përmende emra në KK, pse nuk the drejtoresha e kulturës, por Miranda Sallahu. Me çfarë të drejte degradon emrin e fëmijës tim? Unë fëmijët nuk i kam të kyçur në politikë dhe asnjëherë nuk do t'i kyçi, jam vet personalisht. Adreso çfarë duash kritike në drejtim timin, por jo të degradosh emrat e fëmijëve të mi në kuvend komunal, se janë organet nëse mendon se ka pasur shkelje të procedurës së ndarjes se subvacioneve, dhe i ndjekë penalisht. Po ashtu edhe mua nëse ndihesh e kërcënuar, me ndjekë penalisht, ashtu sikurse unë ty për degradim të emrit të vajzës time. Mbi të gjitha, me e turpshme sesa me i përmendor emrat e biznesmenëve të Kaçanikut, e që nuk janë shumë, e që kanë vajza e gra të punësuara aty. Tjetra, e përmende një biznismene e cila që 30 vite zhvillon biznesin e saj në Kaçanik dhe thoni që ka marrë

subvencion, e që për 30 vite Zejnepe Doda nuk ka përfituar nga komuna, por ka nxjerrë plot e përplot nxënëse të cilat punojnë aty këtu në nivel të Kosovës dhe ti del e ia përmendur emrin këtu, e ne duhet me shujtuar. Ti je ajo që ndihesh e kërcënuar, ne jo. Si ndihet vajza ime që veç sa ka filluar një biznes, një vajzë e arsimuar, me ia përmendur emrin. A mundesh me marrë me mend sa është shqetësuar dhe sa ditë të tjera ka mbetur ajo pa gjumë, për shkak se ti e ke degraduar edhe në faqen "Sje Kaçanikli" për 4-5 bravo me i marrë ti në këtë faqe. Pse e përmende emrin, pse përmende emrat e përfituesve. Në muajin mars drejtoria e Kulturës ka ndarë subvencione në vlerë mbi 85 mijë euro, në mesin e përfituesve ka plot zyrtarë dhe aktivist të LVV. Nuk të shkoj asnjëherë mendja me përmend sesi i përfituan ato subvencione, a ishte konflikt interes apo jo, qenka vetëm për fëmijët tanë konflikt interes. Përfitues të subvencioneve keni edhe familjar e nderuar, kështu që të kisha lutur prej sot, çfarëdo masa që merr kryetari dhe kushdo tjetër, unë i mirëpres, veç të lutem, nëse prapë përmendet emri i fëmijëve të mi në kuvendin komunal, sinqerisht do të merrem me këtë.

znj. Ernesta Krasniqi: E para, turpin që e keni ju, po mundoheni me ma gjuajtur mua, por nuk mundesh. E përmende se është ofendim, por nuk është ofendim, por kërcënim direkt, kryetarit nuk po i duket kërcënim. Me ardhur bashkë me burrin e saj në shtëpinë time me kërkuar llogari prej prindërve të mi, drejtoreshë i kam kaluar të 18-tat. Llogari jap vet, as të prindi, as të motra nuk jap llogari, llogari jap vet. Emrat të cilët i kam përmendur, janë të publikuar në faqen e juaj, emrat nuk i kam marrë fshehtas, janë publikisht. Detyra ime është me ngritur shqetësimin e qytetarëve. Për ty turp të qoftë që kërcënlon një vajzë, pikërisht që nesër apo pasnesër vajza juaj mundet me qenë në vendin tim dhe me pranuar kërcënimin nga dikush tjetër. Turp me i madh është kur kryetarit nuk i duket kërcënim, nuk e mbron një qytetare - një asambleiste që ju ka kërcënuar. Nëse vajza e juaj ka mbetur pa gjumë veç se ia kam përmendur emrin, paramandoni si ka mundur me u ndier unë, kur ju me keni kërcënuar se keni me ardhur të prindërit e mi. Shumë mirë e dinë prindërit e mi se çfarë vajze kanë rritur, i di shumë mirë përgjegjësitë dhe jap llogari vet. Hera e para e fundit është që ju mundeni me kërkuar llogari prej prindërve të mijë, prej motrës dhe vëllait. Harroni këtë, i kam kaluar të 18-tat.

Kryesuesi i Kuvendit: Ernesta, llogaridhënia dihet se ku jepet, kështu që janë organet si për ju edhe për atë për llogaridhënie.

znj. Ernesta Krasniqi: E dëgjuat kryetarin, për mua po thotë se nuk është kërcënim.

z. Selajdin Troni: As mua nuk me është dukur kërcënim.

znj. Ernesta Krasniqi: As për ty, turp edhe për ty.

z. Kadri Krivenjeva: Kuvendi i Komunës e ka një rregullore, të lutem kryesues përbaju rregullores.

Kryetari i Komunës: A e dini kënd e kisha vlerësuar si asambleiste, kur ishe ngritur ti e kisha ngritur shqetësimin, duke përmendur se edhe prindi i juaj është përfitues së bashku me këta, e kisha ndier vetën keq kur përfiton familja.

Kryesuesi i Kuvendit: Përfundoj pozicioni i pyetjeve dhe kërkësave, mos të zgjasim diskutimin me tepër të kjo pikë. Mos jepni vlerësime dhe komente, se nuk jemi me dhënë vlerësime dhe komente këtu, kuptoni rolin e juaj këtu. E kemi materialin për çka japid vlerësime, për çështjet tjera, janë organet tjera kompetente. Kalojmë në pikën e dytë:

z. Agim Mani: Para se me filluar me këtë pikë, kërkoj 5 min. Pauzë. Pauza u lejua nga kryesuesi i KK.

znj. Arlinda Rakoci-Raka: Kush e kërkoj pauzën?

znj. Ardita Rrahmani: Reagoj për çështjen e pauzës, për faktin se duhet me marrë miratimin në KK.

Pas pauzës prej 5 minutave, Kryesuesi i Kuvendit, konstatoj kuorumin, fillimisht ishin 16 anëtarë, ndërkojë arritën edhe anëtarë tjerë, kështu prezentë janë 24 anëtarë. Nuk janë Raif Kasa dhe Naim Beça. U vazhdua me pikën e dytë:

2. Propozim Vendimi për Buxhetin e Komunës së Kaçanikut, për vitin fiskal 2025 dhe vlerësimet për vitet 2026-2027;

Kryesuesi i Kuvendit: Drejtori është këtu, E hapi diskutimin:

znj. Ardita Rrahmani: Lë të jetë kjo vërejtje si kryesues, por edhe për të tjerët, çështja e pauzës duhet me marrë konsultim me anëtarët e KK, se është e drejtë ekskluzive e secilit për votë. Nuk jemi kundër pauzës, por jo me u marrë në formë arbitrale.

Kryesuesi i Kuvendit: Faleminderit, e pranoj vërejtjen.

z. Agim Mani: Para se me fol për pikën e dytë, po ndërlidhem me këtë situatë që u krijuau tani. Mendoj se Ernesta ka pasur plotësisht të drejtë.

Kryesuesi i Kuvendit: Mos të kthehem i në atë debate më. Jemi në pikën e dytë, buxhetin e komunës për vitin 2025.

z. Agim Mani: Ne e dimë rëndësinë e buxhetit, sidomos për investime kapitale, sepse i prekë interesat e qytetarëve, mirëpo ne në këtë buxhet, as nuk jemi thirrur, buxhetin e keni hartuar vet qysh keni ditur dhe dashur. Po kthehem prapa, lidhur me shqetësimin tonë për kërcënimin e Ernesta Krasniqi.

Kryesuesi i Kuvendit: Mos u ktheni prapa Agim, e kemi shtetur atë pikë, kështu të lutëm përmbajtu rendit të punës. Mjaft ju kam toleruar. A e vërejtje se pati edhe ankesa për tolerime.

z. Agim Mani: Fjala është e lirë, nuk mundeni me penguar fjalën e lirë.

Kryesuesi i Kuvendit: E kemi rendin e punës, pauzën ua dhashë pa lejen e të tjerëve. Nëse keni diçka në pikën e 2-të, urdhëroni, nëse jo atëherë ia kaloj fjalën drejtorit të DBF.

z. Agim Mani: Është e drejtë e jona dhe e imja personale me shprehur mendimin e lirë. Në shenjë revolte ne LVV do lëshojmë mbledhjen, se nuk po na jepni të drejtë me u shprehur.

Kryesuesi i Kuvendit: Askush nuk të ndali fjalën, ndërkaq është e drejtë e juaja a doni me qëndruar në mbledhje apo jo. Nuk mundeni ju me ardhur këtu me fol çka të doni, se e kemi një rend pune që duhet me iu përbajtur. Unë ua dhashë 5 minuta pauzë, 10 minuta ju pritëm këtu.

z. Agim Mani: Ne u konsultuam, mendimin tonë duhet me dhënë këtu. Në shenjë revolte ne anëtarët e LVV do lëshojmë mbledhjen, se nuk po na jepni të drejtë me u shprehur.

Me këtë rast mbledhjen e lëshuan mbledhjen në formë bojkoti 6 anëtarë të LVV (Agim Mani, Kadrije Lika-Troni, Bashkim Luma, Ernesta Krasniqi, Arta Avdiu, Burim Shehu), ndërkaq 2 anëtarë të LVV nuk ishin në sallë: Raif Kasa dhe Naim Beça.

Kryesuesi i Kuvendit: Pas lëshimit të mbledhjes së anëtarëve të LVV, në sallë janë 18 anëtarë, 12 PDK, 4 LDK 2, AAK. Kuorum ka, u vazhdua me mbledhjen. Fjalën e ka drejtori i DBF, Bahri Selimi:

z. Bahri Selimi: Materialin e keni marrë të buxhetit, janë zhvilluar debate publike për përcaktimin e projekteve të përfshira në buxhet, ku kanë qenë të ftuar qytetarët e komunës së Kaçaniku. U përmend më herët se nuk kemi qenë të ftuar në debate publike. Të gjithë qytetarët

kanë të ftuar në debate publike, për me u bërë pjesë e buxhetit dhe me i dhënë propozimet e tyre. Pas shteres se të gjitha diskutimeve publike, është dërguar materiali i buxhetit për diskutim Buxheti për vitin 2025 është në shumë 12,592,239.00€, vlerësimet janë 13,193,668.00€ në vitin 2026 dhe 13,809,572.00€ në vitin 2027. Buxheti shënon ngritje për 5.3% në krahasim me vitin 2024. Është e vogël kjo rritje, për arsyen e nuk është marrë për bazë inflacioni që ndodhë vazhdimesht, jemi munduar me shpërndarë në kategori ekonomike me të nevojshme. Shuma 106 mijë kanë shkuar për Paga dhe mëditje, 92 mijë për mallra dhe shërbime, 25 mijë për shpenzime komunale. Subvencionet dhe transferet janë ngritur për 98 mijë euro, 310,822 euro janë ngritur investimet kapitale, kategori kjo që prekë me tepër interesat e qytetarëve. Listën e projekteve kapitale përkundër që e kemi dërguar me herët, pas kërkesës së Agim Mani të mbledhjes se KPF e kemi dërguar edhe një herë për dukshmëri me të mirë. Jemi të hapur për çdo vërejtje apo propozim, jemi në dispozicionin tuaj për përgjigje.

Kryesuesi i Kuvendit: Para se me hapur diskutimin, tani e tutje kërkoj që mos të dilni jashtë rendit të ditës. Pika që kalon, me nuk kthehet prapa, kjo është rregull që duhet me iu përmbytj. Se a duhet ti jepet fjala, ku i them fol për buxhetin, nuk fol, thonë buxhetin e keni bërë ju, jo ne. Kur ftojmë diskutim publik, nuk vijnë. Kur është çështja me diskutuar buxhetin, nuk rrinë me diskutuar me thënë pse e keni bërë buxhetin e keq. Arsyesa me dal prej mbledhjes, është se nuk munden me përballuar këtë buxhet i cili e prekë secilin qytetarë dhe secilin interes publik. Sa është e pranueshme kjo për qytetarët, është treguar që 20 vite. Besoj se me këtë mendësi dhe këtë mentalitet dhe logjikë të qeverisjes se vendimmarrjes çfarë e kanë, do të vazhdojnë edhe 20 vite kështu. E themi publikisht para qytetarëve, edhe pse jemi në transmetim të drejtpërdrejtë, nuk ecet përpara, nuk krijohet mirëqenia e qytetarëve duke lëshuar mbledhjen e mos me qëndruar me diskutuar buxhetin. U theksua se nuk ma dhatë fjalën me diskutua. Këtu nuk mundeni me fol çka të doni, por sipas rregullit dhe rendit të punës. Edhe pse jam i vetmi që i kam toleruar me fol çka kanë dashur. Tani e tutje do të ketë rregull dhe rend. E hapi diskutimin:

zpj. Arlinda Rakoci-Raka: Kërkoj një sqarim të ndarja buxhetore të pozicioni, Mallrat dhe shërbimet. Pse është kaq e lartë shumë e mjeteve të ndara në këtë pozicion, në shumë 1,514,233.00€?

zpj. Ardita Rrahmani: Ajo të cilën e kemi pa si LDK para hedhjes në votim Draft buxhetin, duke qenë së viti që po vjen, është vit elektoral, ku ju si ekzekutiv i keni orientuar projektet aty ku i keni kalkulimet, shto këtu që asnjëri nga ne nuk jemi kundër investimeve kapitale në tërë territorin e komunës tonë. Gjatë gjithë vitit, kërkesat të cilat vijnë nga qytetarët, për me i plotësuar nevojat e tyre, të cilat ne i ngitem si LDK, nuk është ndarë kod buxhetor dhe as që janë marrë me prioritet, dhe as që janë marrë përbazë në asnjë kod buxhetor në këtë buxhet. Pjesëmarrja në debate publike ka rezultuar e njëjtë, pa bërë asnjë ndryshim nga drafti i paraqitur para debateve publike, kërkesave të cilat janë paraqitur gjatë debateve publike dhe diskutimeve, për me votuar në seancën pasuese. Buxheti është rritur fare pak, ndërkaq këtë ngritje pjesën me të madhe e marrin pagat dhe mëditjet, ndërkaq për investime kapitale mbetën pak mjete, diku 3.5 milion, të ndara në 46 kode. Nëse këto kode buxhetore i pjesëtojmë, nëse i pjesëtojmë me 5 milionëshen, i bien mesatarja 75 mijë euro për kod. 22 kode janë nën këtë shumë, ndërkaq mbetën diku 26 të tjera me shumën 80,000 euro. E dimë se thoni se ndarja nuk bëhet kështu, e po as kështu sipas prioriteteve të juaja nuk duhej të shkonte. Kaçaniku ka 32 vendbanime, iu drejtohem i juve anëtarë të KK, mos e votoni këtë buxhet. A jeni të vetëdijshëm se vetëm 8 vendbanime plus minus 1, ku me pak e ku me shumë, do të shkojnë mjetet. Kolegë anëtarë të KK, si do t'ju drejtoheni qytetarëve të komunës të cilët nuk përfitojnë asgjë nga ky buxhet nga investimet kapitale? Unë si LDK dhe ju subjektet tjera të këtij KK, pavarësisht votave, përfaqësojmë të gjitha interesat e qytetarëve të komunës së Kaçanikut. Prandaj ndarja e buxhetit është dashur të bëhet në formë proporcionale për të gjitha rajonet. Ne si LDK do të jemi kundër ndarjes se këtij buxheti.

z. Selajdin Troni: Desha me e falënderuar kryetarin, nënkyetarin, drejtorët për hartimin e buxhetit të vitit 2025. Ardita tha se e keni orientuar buxhetin, ku i keni më tepër votuesit. Të gjitha investimet të cilat janë bërë deri me tani dhe këto që janë propozuar në këtë draft buxhet, si në rrugë, trotuare, parqe, sheshe të qytetit, nuk janë në një fshat, por janë brenda qytetit. Ka pjesë të kanalizimeve që janë rregulluar, salla sportive, fusha sportive, ndriçimin në Kaçanik dhe gjitha fshatrat, kemi bërë mure mbrojtëse. Buxheti nuk është i ndarë në rajone, por është buxhet për tërë komunën e Kaçanikut, që kanë me gjëzuar të gjithë qytetarët, edhe këta të LVV të cilët asnjëherë nuk e votuan. Buxheti është për të gjithë qytetarët, pa dallime partiake.

znj. Ardit Rrahmani: Unë fjalën votues, asnjëherë nuk e përmenda. Në anën tjetër, ju i listuat investimet të cilat janë bërë, ndërkaq unë e përmenda se investimet kapitale shkojnë në 7-8 vendbanime plus minus 1 vendbanim. Kaçaniku është vendbanim, unë nuk e përmenda se nuk po investohet në Kaçanik, po investoni në vendbanime tjera. Nëse keni qenë i vëmendshëm, po e ritheksoj edhe një herë. Unë këtu në KK, pavarësisht ku kam marrë votë, përfaqësoj interesin e të gjithë qytetarëve të komunës, qoftë në Kotlinë, Bajnicë apo nga lagja ku unë banoj Dushkajë apo nga lagja që vijë-Lagjja e Re, për mua nuk ka kurrfarë dallimi. Po e ritheksoj, çdo investim që bëhet në Kaçanik, nëse edhe vetëm 2 qytetarë të kësaj komune përfitojnë, unë jam për, por për ndarjen e keni dëshmuar edhe gjatë mandatit dhe jo vetëm, por e keni të drejtë e plotë të gjykimit dhe analizimit. Tjetra është, buxheti është edhe publik, kështu që sipas neve qëndron kjo. Nëse ju keni diçka tjetër mbas kësaj, unë emrin nuk të përmenda me të dhënë të drejtën për replikë.

z. Brahim Imishti: Desha me pyetur Arditën nëse mundet me gjetur ndonjë fshat që nuk është investuar asnjë projekt?

znj. Ardit Rrahmani: Nëse keni qenë të vëmendshëm, unë në asnjë moment nuk thashë se nuk është investuar, por thashë, se nuk po flasim për një raport ku është investuar, por për një buxhet të vitit 2025, i cili buxhet përfshinë investimet në vitin 2025. E potencova se janë 8 vendbanime ku investohet plus minus një vendbanim. E kam listën këtu, mundeni me verifikuar sa investime po bëhen në investimet në $i(x)$ apo $\epsilon(y)$ fshatin. Që 25 vjet jeni në qeveri, diku nuk janë bërë kalkulimet mirë, se në këtë rast Kotlina ka ngelur gati se krejt.

Kryesuesi i Kuvendit: Kur jemi të buxheti, dua të theksoj se buxheti asnjëherë nuk ndahet për lokalitete të caktuara. Buxheti ndahet me prioritete. Sot minden me qenë të përfshira në prioritete 10 vendbanime, ndërkaq në vitin tjetër fjalë vjen nga 8 tjera. Buxheti çdo herë kur ndahet, ndahet sipas prioriteteve dhe është e pamundur me i mbuluar të gjitha prioritetet përnjëherë. Me një ndarje të drejtë, ekzekutivi e sjellë propozimin në KK, duke iu dhënë prioritet jo sipas kalkulimeve të komuniteteve, por sipas nevojave të qytetarëve për projektet që duhet të realizohen. Në listën prioritete, ka prioritete të mira të cilat duhet të realizohen. Të secili buxhet mundet e themi apriori, që secili mundet me pasur nga një vërejtje, por vërejtjet duhet të janë konkrete. Fjala vjen pse po ndërtohet një rrugë në këtë lokalitet e nuk po ndërtohet në lokalitetin tjetër. Këto çështje trajtohen edhe në debate publike para qytetarëve, para grupeve të interesit, por në tërsëi nuk pajtohem me ato vendet me subjektet në opozitë ku thonë se buxheti është i keq dhe nuk e votoj, se buxhet të keq nuk ka, mundet me qenë 1-2 prioritete jo të mira, por jo të gjitha, se brenda buxhetit janë pagat dhe mëditjet, subvencionet, bursat për studentë, pagesat e transportit të nxënësve, të gjitha këto janë prioritete të mira. Për atë po themi se ndonjë projekt që mendohet se nuk është i mirë, duhet cekur konkretisht, se kjo nuk është praktikë e mirë. Kur e themi këtë e përfshijë edhe partinë time, e jo vetëm subjektin opozitë, se nuk është e mirë kjo mos me u votuar buxheti, mos me qëndruar as në mbledhje, sepse buxheti i komunës është për qytetarë. Buxheti diku me mirë, diku me pak, ka me plotësuar një nevojë të qytetarëve. Në këtë kontest, ne do të diskutojmë buxhetin, se nga shkojnë IK, ST, diskutimi duhet të jetë në këtë formë se pse kaq mjete për IK e pse kaq për ST. Asnjëherë nuk diskutohet pse kaq mjete po shkojnë për ST në këtë apo atë drejtori, e jo me u shtri diskutimi në formë politike. Më se paku diskutimi për buxhetin duhet me qenë politik. Buxheti duhet të

jetë prioritet i nevojave dhe kërkesave të qytetarëve. Është shumë normale që kryetari e ka një program, me të cilin i ka fituar zgjedhjet dhe atij programi i kanë besuar qytetarët, dhe kryetari ka ambicie që të plotësoj apo përbushur atë që e ka dhënë para qytetarëve. Jemi ne këtu që mund të ndërhyjmë se çka nuk është në rregull, dhe ku duhet të bëhen përmirësimet, por të diskutohet buxheti në tërësi si i mirë apo i keq, për mua është absurde.

z. Betim Shala: Kam disa pyetje apo mendime të mia rrëth ndarjes buxhetore të pozicioni i investimeve kapitale. Të rruga Runjevë-Stagovë, po e shoh se janë ndarë 30 mijë euro, meqenëse nuk di ku kanë ngelë procedurat e prokurimit për pjesën që janë ndarë sivjet. Në rast se dështon, a janë të parapara që vitin e ardhshëm me bërë ridestinim të mjeteve. Mendoj se është dashur me u ndarë me tepër mjete për këtë rrugë, e jo vetëm me u paraparë si kod buxhetor. Gjithashtu është dashur me u ndarë me tepër mjete për rrugën Bob-Doganaj, se është rrugë kyçë e Kaçanikut dhe ndikon në zhvillimin e Kaçanikut, për shkak të ardhjes se banorëve deri këtu dhe nxënësve, duhet të shtrohet asfalti i kësaj rruge. Trotuari nga Fusha e Pajtimit, shuma 200 mijë euro është e vogël, marrë parasysh inflacionin, mendoj se është dashur me pak mjete me u ndarë për rrugë lokale. Projekti: Hapja e rrugës nga rruga: "Ismajl Raka"-Xhamia e Dëshmorëve, e pash si kod se janë ndarë 5 mijë euro, ndërkaq nuk po e shoh se ka mjete të ndara për shpronësimin e pronave, se aty nëse nuk hynë dikush në shpronësim me bërë ndërtim, shpronësimi duhet me u bërë me mjete të komunës.

z. Rrustem Zenuni: Meqenëse do ishte mirë të ishte këtu edhe pjesa e opozitës, për të parë buxhetin për të diskutuar dhe vlerësuar, e kuqtoj se nuk kanë çka thonë, nuk kanë mundur me kontribuar asgjë, i kanë ikur përgjegjësisë që e kanë marrë prej qytetarëve. Kam një bindje se edhe qytetarët e shohin se kanë gabuar që kanë përkrahur këta. Për mua është e rëndësishme që buxheti të cilin ia kemi vendosur bazën viteve me parë, tanë në ato dimensione të cilat i kemi paraparë, një buxhet i cili nuk ka kalkulime, ka arsyetim, ka zgjidhje, një buxhet me i mirë, një problem me pak. Kjo po ndodhë në buxhetin e këtij viti. Për mua është shumë në rregull, sepse janë zgjidhur do kërkesa që kanë qenë me madhore, janë zgjidhur si prioritete. Për mua nga viti 2022 ka qenë me prioritet, Ndërtimi i rrugës, Bob-Kulla e Hasanit në Rambuje, e cila është vendosur në një seancë solemne, ka qenë prioritet me përfunduar gjatë këtij mandati. Pastaj, prioritetet që ka vazhduar e që besoj se do të vazhdojnë edhe në mandatet tjera, është: Ndërtimi i sallave sportive, për të cilat jemi shumë të kënaqur, që është investuar për përmirësimin e kushtet për nxënësit. Hap pozitiv të subvencionet dhe transferet, në DBPZHR për dallim nga viti i kaluar, 70 mijë në vitin 2024 është ngritur tanë 120 mijë euro, një temë që unë e kam pasur mision në mandatin kur e kam marrë, për shkak se punoj vet në bujqësi dhe iu kam premtuar buqëve që kam me angazhuar shumë. Përtej premtimit tim, ka qenë angazhimi i ekzekutivit të komunës. Rruga “Reshat Shehu” me vjen mirë që ka hyrë në buxhet. Mesazhin duhet dërguar të qytetari, buxheti nuk është kalkulim politik, është kalkulim i zgjidhjes se problemeve dhe nevojave që na dalin për çdo ditë. Zona që përfaqësoj, kemi pasur takim edhe me administratorin edhe me juve kryesues, trotuari nga restorant Natyra-Fusha e Pajtimit, i ka ardhur fundi, një pjesë është realizuar në këtë vit, pjesa tjetër në vitin tjetër. Uroj që ky buxhet të ekzekutohet.

z. Bahri Selimi: Të lista e projekteve kapitale, është një ndryshim i vogël, shuma është e njëjtë, por nga rregullimi dhe asfaltimi i rrugëve në Kaçanik diku mbi 521,000 euro, i kemi zbritur shumën dhe e kemi ngritur shumën të 2 projekte tjera, me kërkesën e drejtorit të DUKMM, të cilat janë diskutuar me herët, por nuk ka pasur projekt. Bëhet fjalë për, Ndërtimin e mureve mbrojtëse në rrugët: "Hamzë Jashari", "Mejdi Dalloshi" dhe "Shaban dhe Isen Elezi", shuma, 50 mijë euro, dhe projektit tjetër, Zgjerimi i rrugës Gryka e Kaçanikut- Kaçanik i Vjetër, 100 mijë euro. Këto 150 mijë euro janë zbritur nga kodi, Rregullimi i rrugëve lokale. Të pyetja e Arlinda, për planifikimin e mjeteve për Mallra dhe shërbime, mallrat i kemi ngritur mbi 92 mijë euro, se po kemi problem me i mbuluar shpenzimet deri në fund të vitit, si çështja e sigurimit fizik të objekteve, se nuk po mundem me intervenuar nga programet tjera buxhetore.

se jemi dëshmitar i asaj që nga muaji tetor ngritët paga minimale 350 euro, ngritja e materialit për nxehje si dru, pelet, derivatet për automjete. Krejt këto shpenzime hynë në kategorinë e mallrave dhe shërbimeve. Në vazhdim drejtori i përmendi disa nga shpenzimet që hynë në këtë program buxhetor me shumat e caktuara si në listë: Shpenzimet e udhëtimit jashtë vendit, shpenzimet e komunikimit, si: interneti, tel. fikse, shpenzimet për shpenzime të përgjithshme, sigurimi fizik i objekteve, shpenzimet teknike dhe të anëtarësimit, mirëmbajtja e pajisjeve dhe mobileve për arsim, shëndetësi, administratë, furnizim me artikuj tjerë, furnizime shëndetësore, furnizimet e pastrimit, mirëmbajtja e rrugëve, mirëmbajtja e ndërtesave: arsimit, shëndetësi.

znj. Arlinda Raka-Rakoci; Kërkoj sqarim për shumën 300 mijë euro për shërbime shëndetësore

z. Bahri Selimi: Shërbimet shëndetësore nuk janë 300 mijë euro, furnizime mjekësore janë 50 mijë euro, ndërsa shërbime shëndetësore janë afér 15 mijë euro. Në detaje nuk i keni ju aty. Në total, mallrat dhe shërbimet në shëndetësi janë mbi 242 mijë euro. Edhe pse proklamohet në qeveri për investime nga granti specifik i shëndetësisë, shumicës së komunave iu ka zvogëluar ky grant, mbi 31 mijë euro. Në arsim proklamohet për shumë investime, kemi ngritje të grantit për 231 mijë euro, por nuk i mbulon shpenzimet, kështu jemi detyruar me ndarë mjete nga granti i përgjithshëm. Të pyetja e Ardita, ju e elaboruat se buxheti me tepër është një plan politik, buxheti sipas definicioneve me të gjëra edhe është politik, por në përgjithësi buxheti është një plan njëvjeçar. Normal, kryetarin e komunës e votojnë shumë qytetarë, për atë arsyen ulet dhe e menaxhon buxhetin, por përkundër asaj, i dëgjojmë kërkesat e qytetarëve në debate publike, të cilat mbahen me rregull, se paku ato minimale që janë sipas ligjit dhe mundet çdokush me ardhur. Projektet ne nuk i kemi bash specifike për secilin projekt, nëse fjala vjen ankoheni për ndriçim publik, ke biseduar me drejtorin e drejtorisë për ndriçimin publik në lagjen e juaj. Ne i kemi do projekte me të përgjithësuara, që investohet sipas nevojave, si të ndriçimi publik, në të cilat investohet, si kanalizimi fekale e atmosferik, rrugë rurale dhe urbane, intervenojmë ku është nevoja me e theksuar. Të pyetjet tjera, të rruga Runjevë-Stagovë-Kaçanik i Vjetër, është faza e II e projektit, 80 mijë euro janë të planifikuara në vitin 2025. Të rruga Bob-Doganaj, e dimë rëndësinë e kësaj rruge, do të mundohemi me përsituar ndonjë projekt nga niveli qendor apo nga të hyrat e bartura të pashpenuara. Të projekti i trotuarit në Fushë të Pajtimit, janë 200 mijë euro të planifikuara në vitin 2025 dhe 50 mijë në vitin 2026 sipas nevojës për fazën e II. Faza I është kontraktuar sivjet, punimet janë në zhvillim e sipër.

znj. Arditia Rrahmani: Faleminderit për sqarime në përgjithësi. Ajo që e diskutove po besoj se ishte si shembull, jo si një kërkesë e parashtruar e imja. E kam një pyetje për kodet e reja e parapara në këtë buxhet, për të cilat në vitin 2025 nuk janë ndarë mjete, por janë ndarë për 2026 apo 2027. Pse është paraparë p.sh. si kode, ndërkaq nuk janë ndarë se paku 2 mijë euro sikurse kodet tjera, pse ka ndodhë kjo? A ka qenë nevoja me u tërhequr edhe prej atyre kodeve, se nuk ka mjete me investuar me shumë?

z. Bahri Selimi: Me herët të mora si shembull Arditia, se nuk ishte puna që keni kërkuar ju ashtu. Për kodet e reja, gjasat janë me u realizuar ai projekt, dhe nuk i fusim për vlerësimë në vitin 2026 apo 2027. Gjasat janë me u gjetur mjete dhe me u realizuar projektet në vitin 2025.

znj. Arditia Rrahmani: Drejtor, këtu ka ndodhur e kundërtë, është kodi i ri, po flas për zhvillimin ekonomik, është kodi 22 për projekte zhvillimore të turizmit, kodi është i ri, por mjete për vitin 2025 nuk janë paraparë, ndërkaq në vlerësimet 2026 dhe 2027 janë paraparë mjete.

z. Bahri Selimi: Paska qenë e kundërtë. Ajo që fola me herët qëndron, edhe pse nuk e keni bërë pyetjen me herët. Kur janë të specifikuara projektet, kur i kemi emrat dhe e dimë qëllimin e saktë, janë objektivat e qarta të drejtorisë, intensifikon projektet siç janë: Ndërtimi i shtegut të Lirisë, faza I, 5mijë euro, Ndërtimi i kioskave për biznese në Boulevard në sheshin e qytetit

25 mijë euro, Ndërtimi i ballkonit panoramik të Guri i Shpuar 50 mijë euro. Këtu i ka të qarta projektet drejtoria se ku ka me investuar, mirëpo për vitin 2026 dhe 2027 e lënë pak hapësirën për me menduar për të ardhmen dhe specifikohen me kohë projektet që investohet në turizëm.

z. Ekrem Livoreka: Të rruga në Kaçanik të Vjetër, çka keni paraparë aty, zgjerimin e rrugës apo edhe të trotuarit, sepse aty ka frekuentim të nxënësve, dhe ajo pjesë paraqet rrezik nga automjete që qarkullojnë në atë rrugë.

z. Bahri Selimi: Është kërkesë e kamotshme, se me shtimin e popullatës, me funksionalizimin e objektit për banim social, e cila pritet të bëhet sivjet, rritet frekuentimi i qytetarëve, kështu në atë pjesë ka me u bërë zgjerimi i rrugës bashkë me trotuarin. Nëse nuk arrihet përnjëherë, projekti do të realizohet në fazë.

z. Selajdin Troni: Sa kushton projekti i rehabilitimit dhe asfaltimit të rrugës Bob-Dogana?

Kryesuesi i Kuvendit: Diskutime të tjera nuk ka, këtë pikë e shtroj në votim për aprovim dhe e njëjta u aprovua me 14 votë Për (12 PDK dhe 2 AAK), Kundër 4 votë- LDK, Abstenim 1-NISMA. Prezent 19. Në saje të kësaj del konstatimi se Kuvendi i Komunës mori këtë

VENDIM

Për Miratimin e Buxhetit të Komunës së Kaçanikut, për vitin fiskal 2025 dhe vlerësimet për vitet 2026-2027/ Lënda: 01Nr. 400/01-21277/24.

3. Propozim Vendim për ndryshim plotësimin e vendimit 01 nr. 60/01-38152/21 për formimin e Komitetit për Politikë dhe Financa dhe vendimit 01 nr. 60/01-14084/24 për ndryshim plotësimin e vendimit për formimin e këtij komiteti;

Kryesuesi i Kuvendit: Pas dorëheqjes se Rabije Sallahi nga pozita e anëtarit të KK, vendin e saj është Edona Luzha. Edhe në KPF do të jetë Edona Luzha. Kjo është formulë që e përcaktion ligji. E hapi diskutimin: Për diskutim nuk u paraqit kush, atëherë këtë pikë e shtroj në votim për aprovim dhe e njëjta u aprovua njëzëri me 19 votë Për. Prezent 19. Në saje të kësaj del konstatimi se Kuvendi i Komunës mori këtë

VENDIM

Për ndryshim plotësimin e vendimit 01 Nr. 60/01-38152/21 për formimin e Komitetit për Politikë dhe Financa dhe vendimit 01 Nr. 60/01-14084/24 për ndryshim plotësimin e vendimit për formimin e këtij komiteti, ashtu që në Komitetin për Politikë dhe Financa, në vend të Rabije Sallahi, caktohet Edona Luzha nga AAK-anëtar

Me ndryshim plotësimet që bëhen me këtë vendim, Komiteti për Politikë dhe Financa, ka këtë përbërje:

	PDK	Kryesues sipas funksionit
1. Kemal Murseli	PDK	anëtar
2. Kadri Krivenjeva	PDK	anëtar
3. Rrustem Zenuni	LVV	anëtar
4. Agim Mani	LVV	anëtar
5. Kadrije Lika-Troni	LDK	anëtar
6. Ardita Rrahmani	AAK	anëtar
7. Edona Luzha		anëtar/ Lënda: 01Nr. 060/01-23022/24.

4. Propozim Vendimi për miratimin e Raportit përfundimtar 01Nr. 320/01-2238/24 të datës 10.09.2024 të komisionit komunal për vlerësimin e dëmeve të shkaktuara nga reshjet breshëri në territorin e komunës së Kaçanikut, në fshatin Duraj - Gabrricë;

Kryesuesi i Kuvendit: Për sqarime të nevojshme, drejtori është këtu. E hapi diskutimin: Për diskutim nuk u paraqit kush, atëherë këtë pikë e shtroj në votim për aprovim dhe e njëjta u

aprovua njëzëri me 18 votë Për. Prezent 18. Nuk ishte në Sallë Betim Shala. Në saje të kësaj del konstatimi se Kuvendi i Komunës mori këtë

VENDIM

Për miratimin e Raportit përfundimtar 01Nr. 320/01-2238/24 të datës 10.09.2024 të komisionit komunal për vlerësimin e dëmeve të shkaktuara nga reshjet breshëri në territorin e komunës së Kaçanikut, në fshatin Duraj – Gabrricë/Lënda: 01Nr. 320/01-22945/24.

5. Plani i Veprimit në Mjedis, me veprim klimatik;

Kryesuesi i Kuvendit: Është një dokument i rëndësishëm, nëse ka kush diçka, e hapi diskutimin:

znj. Ardita Rrahmani: Debatin për këtë pikë e kemi shterë edhe në KPF, vetëm desha me ditur me një gabim në vlerësim që e ka bërë hartuesi, f. Kovaçec thuhet se ka mbulueshmëri nga Bifurkacioni 70%, ndërsa ka rezultuar me banorët e këtij lokaliteti që nuk janë të përfshirë, d.m.th. janë të përfshirë pjesërisht. Me intereson të di, a do të bëhet ky ndryshim në planin e veprimit të cilin do të miratojmë?

z. Selajdin Troni: F. Kovaçec ka mbulueshmeri me Bifurkacionin diku 30%. Gypi është pothuajse në krejt fshatin, por nuk është vënë në funksion.

z. Rrustem Zenuni: Jo vetëm në Kovaçec, por ka edhe vende tjera që shumë qytetarë nuk kanë dëgjuar me u kyçur në rrjetin e ujësjellësit të Bifurkacionit.

Kryesuesi i Kuvendit: Diskutime të tjera nuk ka, këtë pikë e shtroj në votim për aprovim këtë pikë me ndryshimin e propozuar dhe i njëjta u aprovua njëzëri me 17 votë Për. Kur u votua kjo pikë, nuk ishin prezentë, Betim Shala dhe Kadri Krivenjeva. Prezent 17. Në saje të kësaj del konstatimi se Kuvendi i Komunës mori këtë

VENDIM

Për Aprovimin e Planit të Veprimit në Mjedis, me veprim klimatik/Lënda: 01Nr.060/01-22876/24.

5. Draft-Plani Komunal për transport lokal publik të udhëtarëve, 2024-2028;

Kryesuesi i Kuvendit: Raportin e keni marrë, e kemi diskutuar edhe në KPF, është hera e parë që kemi një draft, nuk e di me herët e ka pasur, e që kërkohet të miratohet për shkak të grantit të përformancës. E hapi diskutimin: Për diskutim nuk u paraqit kush, atëherë këtë pikë e shtroj në votim për aprovim dhe i njëjta u aprovua njëzëri me 17 votë Për. Nuk ishin prezentë Betim Shala dhe Kadri Krivenjeva kur u votua kjo pikë. Prezent 17. Në saje të kësaj del konstatimi se Kuvendi i Komunës mori këtë

VENDIM

Për Aprovimin e Planit Komunal për transport lokal publik të udhëtarëve, 2024-2028/Lënda: 01Nr. 104/02-22361/24.

7. Raport i punës i Këshillit Komunal për Siguri në Bashkësi për gjashtëmujorin e parë 2024;

Kryesuesi i Kuvendit: Raportin e keni marrë, KKSB siç e dini i raporton KK më çdo 6 muaj. E hapi diskutimin:

znj. Ardita Rrahmani: Do të ishte mirë me bërë praktikë që kur të shqyrtohet Raporti i punës i KKSB, përvèç kryetarit me qenë prezentë edhe komandanti i policisë, për arsy se e ka një rol kyç në këtë këshill, e që nuk është i vetmi anëtarë, ka edhe anëtarë të tjerë. Ajo që kisha dashur me tërhequr si vërejtje, është trajtimi i qeneve endacak, sepse sa po e shoh unë, këto mbledhje po rezultojnë vetëm me u mbledhë formalisht për me kryer një obligim ligjor, kurse

marrja e hapave konkret, lënë pér të dëshiruar. Lë të jetë si thirrje pér hera tjera, kush e ka fatin me qenë këtu në legjislaturat tjera, e mban mend këtë, pavarësisht kush vjen, mendoj se kishte me qenë një praktikë e mirë edhe prezenca e komandantit të policisë kur shqyrtohet raporti i KKSB, që ai me elaborua me tepër raportin.

z. Selajdin Troni: Me intereson të di, Parku nacional a është në menaxhim të komunës.

Kryetari i Komunës: Parku nacional është në menaxhim të drejtorisë të parkut nacional.

Kryesuesi i Kuvendit: Diskutime të tjera nuk ka, atëherë konstatohet se Kuvendi i Komunës,
NJOFTOHET

Me Aktivitetin e Këshillit Komunal pér Siguri në Bashkësi-KKSB, përmes Raportit pér gjashtëmujorin e parë të vitit 2024/ Lënda: 01Nr. 050/01-22918/24.

8. Informatë pér fillimin e vitit të ri shkollor, 2024-2025 në komunën e Kaçaniku;

Kryesuesi i Kuvendit: E hapi diskutimin:

znj. Arlinda Rakoci-Raka: Shprehi shqetësimet e mia, rënia e numrit të nxënësve në shkolla, në 180 nxënës është në nivelin fillor, që i bien pér 5 klasë me pak, ndërkaq të nivelit tjetër ishte me i vogël rënia e numrit të nxënësve.

Kryesuesi i Kuvendit: Ky shqetësim ka qenë edhe në Komitetin pér Politikë dhe Financa. Diskutime të tjera nuk ka, konstatoj se Kuvendi i Komunës,

NJOFTOHET

Me aktivitetin e zhvilluar të Drejtorisë së Arsimit pér fillimin e Vtit të Ri shkollor 2012/2024 në bazë të dhënave të prezantuara në Informatën e kësaj drejtorie/ Lënda: 01Nr. 04-610/01-22686/24.

9. Propozim Vendimi pér ndryshim plotësimin e vendimit 01Nr. 400/01-6738/24 të datës 29.03.2024 pér shpallje me interes të përgjithshëm publik të Parcelave në Zonën Kadastrale Kaçanik dhe Gajre;

Kryesuesi i Kuvendit: Propozim Vendimin e keni marrë, është fjala pér korrigjimin e një gabimi teknik. E hapi diskutimin: Për diskutim nuk u paraqit kush, atëherë këtë pikë e shtroj në votim pér aprovim dhe e njëjtë u aprovua njëzëri me 18 votë Për. Prezent 18. Kur u votua kjo pikë, nuk ishte në sallë Kadri Krivenjeva. Në saje të kësaj del konstatimi se Kuvendi i Komunës mori këtë

VENDIM

Për ndryshim plotësimin e vendimit 01Nr. 400/01-6738/24 të datës 29.03.2024 pér shpallje me interes të përgjithshëm publik të Parcelave në Zonën Kadastrale Kaçanik dhe Gajre/ Lënda: 01Nr. 060/01-22999/24.

10. Kërkesa pér Dorëheqje e anëtarit të KK, Rrustem Zenuni, nga Komisioni komunal i aksionarëve NPK” stacioni i Autobusëve” Sh. A. Kaçanik;

Kryesuesi i Kuvendit: Rrustem Zenuni është emëruar anëtarë në KPF, kështu që duhet të hiqet nga komisioni. E hapi diskutimin: Për diskutim nuk u paraqit kush, atëherë këtë pikë e shtroj në votim pér aprovim dhe e njëjtë u aprovua njëzëri me 19 votë Për. Prezent 19. Në saje të kësaj del konstatimi se Kuvendi i Komunës mori këtë

VENDIM

Për aprovimin e Kërkesës pér Dorëheqje e anëtarit të KK, Rrustem Zenuni, nga Komisioni komunal i aksionarëve NPK” stacioni i Autobusëve” Sh. A. Kaçanik/Lënda: 01Nr. 060/01-23149/24.

11. Kërkesa për Dorëheqje e anëtarit të KK, Rrustem Zenuni, nga Komisioni për shqyrtimin e kërkesave dhe ankesave në procesin e emërtimit, riemërimit të rrugëve dhe numërimit të adresave për territorin e komunës së Kaçanikut;

Kryesuesi i Kuvendit: Rrustem Zenuni është emëruar anëtarë në KPF, kështu që duhet të hiqet nga komisioni. E hapi diskutimin: Për diskutim nuk u paraqit kush, atëherë këtë pikë e shtroj në votim për aprovim dhe e njëjtë u aprovua njëzëri me 19 votë Për. Prezent 19. Në saje të kësaj del konstatimi se Kuvendi i Komunës mori këtë

VENDIM

Për aprovimin e Kërkesës për Dorëheqje e anëtarit të KK, Rrustem Zenuni, nga Komisioni për shqyrtimin e kërkesave dhe ankesave në procesin e emërtimit, riemërimit të rrugëve dhe numërimit të adresave për territorin e komunës së Kaçanikut/Lënda: 01Nr. 60/01-23148/24.

12. Propozim Vendim Për Rialokimin e Mjeteve Buxhetore deri në 5% sipas Buxhetit të vitit 2024;

Kryesuesi i Kuvendit: Kjo pikë ka ardhur si kërkesë e drejtorit për me futur në rend pune në mbledhje të KPF. Në KK materiali iu ka ardhur me kohë. E hapi diskutimin: Për diskutim nuk u paraqit kush, atëherë këtë pikë e shtroj në votim për aprovim dhe e njëjtë u aprovua njëzëri me 19 votë Për. Prezent 19. Në saje të kësaj del konstatimi se Kuvendi i Komunës mori këtë

VENDIM


Për Rialokimin e Mjeteve Buxhetore deri në 5% sipas Buxhetit të vitit 2024/Lënda: 01Nr. 400/01-24317/24.

Pas përfundimit të pikave të rendit të punës, Kryesuesi i Kuvendit, Kemal Murseli, i njoftoj anëtarët e KK dhe Ekzekutivin për datën e vizitës zyrtare studimore në Turqi, 23.10.2024, nëse nuk ka ndonjë problem rreth procedurave të tenderimit, ndonjë ankesë në OSHP. Ata të cilët shprehin vullnetin me ardhur në Turqi, shikoni afatin e pasaportave dhe kohën.

Në fund e konstatoj mbledhjen të përfunduar në ora 12:45. Nga 27 anëtarë sa ishin prezantë në këtë mbledhje, deri në fund të mbledhjes qëndruan 19 anëtarë (12-PDK, 2-AAK, 4-LDK, 1-NISMA). Pas pauzës për me vazhduar me pikën dytë, nuk u kthyen: Raif Kasa dhe Naim Beça, ndërkaq 6 anëtarët tjerë të LVV e lëshuan mbledhjen në fillim të pikës së dyte (Agim Mani, Kadrije Lika-Troni, Bashkim Luma, Ernesta Krasniqi, Arta Avdiu, Burim Shehu).

Procesmbajtës

Makfire Malsiu





REGJISTËR I ANTARËVE TË KUVENDIT TË KOMUNËS
(të zgjedhur në votimet e datës 17 Tetorit 2021);

**Nga Mbledhja e IX (nëntë) e Rregullt e Kuvendit të Komunës për vitin
2024, mbajtur me 30.09.2024**

1. Kemal Murseli,
2. Brahim Imishti.....,
3. Hamide Luma,
4. Kadri Krivenjeva,
5. Lirije Dema.....,
6. Rrustem Zenuni.....,
7. Edon Baftiu,
8. Selajdin Troni,
9. Fatmir Bunjaku,
10. Bashkim Krasniqi,
11. Florina Lika-Vishi,
12. Lejla Muhamheri-Çaka.....,
13. Agim Mani,
14. Kadrije Lika-Troni,
15. Burim Shehu,
16. Naim Beça,
17. Raif Kasa,
18. Ernesta Krasniqi.....,
19. Bashkim Luma,
20. Arta Avdiu,
21. Ardita Rrahmani,
22. Besnik Salihu,
23. Betim Shala,.....,
24. Arlinda Rakoci-Raka.....,
25. Edona Luzha.....,
26. Ekrem Livoreka.....,
27. Agim Çaka.....,



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipality of Kaçanik

Drejtoria e Administratës së Përgjithshme

Për: Anëtaren e Kuvendit/ **zpj. Ardita Rrahmani**

Lënda: **PËRGJIGJE**

Të nderuar,

Më lejoni t'ju përgjigjëm dhe të jap sqarime zyrtare lidhur me pyetjet/kërkesat tuaja, të parashtruar para Kuvendit të Komunës:

Zpj. Ardita Rrahmani

REPUBLIKA E KOSOVËS REPUBLIKA KOSOVA KOMUNA E KAÇANIKUT OPŠTINA KAÇANIK		29.10.2024
I.	Data 29.10.24	Vendi KAÇANIK
Nj. org.	Numri	Shtojce
02 104/02 - 27647 /.		

- Me datën 28.09.2023 ka qenë e propozuar pika për rialokimin e mjeteve për parkingun e komunës. Kërkesa ka qenë e drejtorit me u hequr pika nga rendi i ditës, për arsyet që i keni pasur. Sot pas një viti, a ka kush që jep përgjigje për katrahurën që po shohim para objektit të komunës.

-Më datë 12.10.2023 na është përcjellë Vendimi 132/2023 me të cilin ndalohen punimet në oborrin e komunës dhe në këtë lokacion do te zgjerohen hulumtimet.

Që nga kjo kohë përkundër shkresave dhe takimeve të ndryshme nga komuna jonë, ende nuk kemi diçka konkrete lidhur me çështjen se si do të trajtohet kjo zonë shumë e rëndësishme për institucionin dhe qytetarët njëkohësisht.

Bashkangjitur gjeni Vendimin 132/2023.

Ju falenderojmë për bashkëpunimin tuaj!

Me respekt,



Dardana Tafili Dauti

Drejtor e DAP



Republika e Kosovës
Republika Kosova – Republic of Kosovo
Qeveria – Vlada – Government
Ministria e Kulturës, Rinisë dhe Sportit / Ministerstvo Kulture, Omladine i Sporta /
Ministry of Culture, Youth and Sports

Instituti i Kosovës për Mbrojtjen e Monumenteve
Kosovo Institute for the Protection of Monuments
Institut Kosova za Zaštitu Spomenika

Nr. 132/2023
Datë: 12.10.2023

Rrezarta Loxha-Vitaku në cilësinë e zëvendësesit të Drejtorit të Institutit të Kosovës për Mbrojtjen e Monumenteve, bazuar në Nenin 3, 4 dhe 6 të Ligjit Nr. 02/L – 88 për Trashëgiminë Kulturore, Nenit 5 (paragrafi 2 dhe 3) Nenit 6 (paragrafi 1 dhe 2), Nenit 8 (paragrafi 1, 2, 3, dhe 6) Nenit 10 (paragrafi 1, nënparagrafi 1.2, 1.7, 1.15, 1.16, 1.17) të Rregullores Nr. 06/2017 për Caktimin e Institucioneve Publike të Trashëgimisë Kulturore, Vartëse të Ministrisë së Kulturës, Rinisë dhe Sportit, në cilësinë e Institucioneve Kompetente, bazuar në Rregullore Nr. 01/2023 për Hartimin e Projekteve të Konservimit/Restaurimit dhe Aktivitetave Konservuese të Trashëgimisë Kulturore, ‘Rregullore (MKRS) 01/2022 për Përcaktimin e Perimetrit dhe Zonës Mbrojtëse të Aseteve të Trashëgimisë Kulturore dhe Politikave për Konservim dhe Zhvillimin e Tyre, si dhe duke u bazuar në Procedurën Standarde të Operimit (PSO) për aplikimin, përbajtjen e dosjes së aplikimit dhe procedurave të shqyrtimit dhe miratimit apo refuzimit të kërkesave dhe projekteve konservuese-restauruese në Trashëgiminë Kulturore Arkitekturore nga Institut i për Mbrojtjen e Monumenteve, Qendra Rajonale për Trashëgimi Kulturore në Prizren dhe në Trashëgiminë Kulturore Arkeologjike nga Institut i Kosovës dhe duke u bazuar në Rekomandimin e Komisionit Profesional Shqyrtyues për Vlerësimin e Kërkesave dhe Projekteve Konservuese Restauruese të Trashëgimisë Kulturore-Arkitekturore (KPSH) të Institutit të Kosovës për Mbrojtjen e Monumenteve, nxjerr këtë:

V E N D I M

- Refuzohet kërkesa për Ndërtimin e Parkingut Nëntokson pranë Objektit te Komunes në parcelën kadastrale P-70917048-01355-0 me investitor Kuvendi Komunal Kaçanik, perkatesisht Drejtoria për Administratë Publike.
- Vendimi hyn në fuqi ditën e nënshkrimit.

Arsyetim

Komisioni Profesional Shqyrtues për Vlerësimin e Kërkesave dhe Projekteve Konservuese Restauruese të Trashëgimisë Kulturore Arkitekturore – IKMM në takimin e 63 të mbajtur më datën 12.10.2023. me kërkesë të QRTK-Ferizaj Ndërtimin e Parkingut NëntokSOR pranë Objektit te Komunes në parcelën kadastrale P-70917048-01355-0 me investitor Kuvendi Komunal Kaçanik, perkatesisht Drejtoria për Administratë Publike. Pas prezantimit të lëndës nga përfaqësuesi i QRTK- Ferizaj i cili njoftoi KPSH/IKMM se QRTK- Ferizaj më 11.10.2023 me Nr. Pr. 63/2023 ka parashtruar në IKMM kërkesën nga Drejtoria për Administratë Publike, Komuna Kaçanikut për shqyrtimin e lëndës “Ndërtimin e Parkingut NëntokSOR pranë Objektit te Komunes në parcelën kadastrale P-70917048-01355-0, parcelë kjo e cila gjendet në afersi të Ndërtësës se te Trashëgimisë Kulturore Xhamia e Sinan Pashës, monument ky me Status te Mbrojtjes se Përkohshme i regjistruar ne Bazën e të Dhënavë te Trashëgimisë Kulturore me Nr.Unik 003172.

Komisioni Profesional Shqyrtues/IKMM, pas shqyrtimit të shkresave të lëndës, rreferuar edhe raporteve te ekipeve profesionale te Institucioneve kompetente për Trashëgimi Kulturore (Instituti Arkeologjik I Kosoves dhe Institut i Kosovës për Mbrojtjen e Monumente) në përbërje të plotë, refuzoi kërkesën për ndërtimin e Ndërtimin e Parkingut NëntokSOR pranë Objektit te Komunes në parcelën kadastrale P-70917048-01355-0, meqenese lokacioni i ndertimit ndodhet ne afersi te asetit te Trashegimise Kulturore Xhamia e Sinan Pashes dhe ne te cilin lokacion qendrojne te hapura strukturat arkeologjike, trajtimi i se cilave eshte ne proces nga Institucioni Kompetent i Trashegimise Arkeologjike (Instituti Arkeologjik i Kosoves).

Me sa u tha më lartë dhe bazuar në rekomandimin e Komisioni Profesional Shqyrtues për Kërkesat dhe Projektet Restauruese Konservuese të Trashëgimisë Kulturore Arkitekturore-IKMM, u vendos si në dispozitiv të këtij vendimi.

UDHËZIM JURIDIK: Kundër këtij vendimi është e lejuar ankesa në afat kohor prej 30 ditësh, nga data e dorëzimit në Komisionin për shqyrtimin e ankesave kundër vendimeve të Institutit të Kosovës për Mbrojtjen e Monumenteve (gjegjësisht Komisioni për Shqyrtimin dhe Vlerësimin e Kërkesave dhe Projekteve Restauruese - Konservuese të Trashëgimisë Kulturore -Arkitekturore) sipas dispozitave të Ligjit Nr. 05/L-031, për procedurën e përgjithshme administrative.

Vendimi i dërgohet:

- Zyrës së Sekretarit të Përgjithshëm/MKRS;
- Departamentit për Trashëgimi Kulturore;
- Inspektoratit për TK/MKRS;
- QRTK-së përkatëse;
- Komunës përkatëse;
- Arkivit të MKRS-së
- Arkivit të IKMM-së
- Palës.





Republika e Kosovës
Republika Kosova
Republic of Kosovo



Komuna e Kaçanikut
Opština Kacanik
Municipal Kacanik

Kaçanik, 29.10.2024

Përgjigje në pyetjen e z.Agim Mani

z.Agim Mani – Si e keni trajtuar objektin e banimit social, i cili sipas juve është i përfshirë në krime ekonomike? A ka ndonjë konfirmim zyrtar nga Prokuroria special për këtë object? Si e aplikoni shpalljen e aplikimeve për qytetarë që të strehohen në këtë object, marrë parasysh situatën aktuale?

Përgjigje- Zyrtarisht Komuna e Kaçanikut nuk kemi ndonjë konfirmim nga Prokuroria speciale lidhur me objektin e banimit sociale. Sa i përketë shpalljes për aplikim , procedura është ligjërisht në rregull. Jemi konsultuar edhe me Zyrtaren për banim social në Ministrinë e Mjedisit, Planifikimit Hapsinor dhe Infrastrukturë. Jemi në procedure të vlerësimit dhe përzgjedhjes së familjeve.

Me respekt!

Kryetari i Komunës

Besim Ilazi